

403 »Ich sihe iuch gern, als tuon ich sie.  
 doch hânt mich grôze vrouwen ie  
 ir werden handelunge erlân.«  
 sus sprach der stolze Gawan.  
 5 Der künece sande einen ritter dar  
 unt enbôt der meide, daz si sîn war  
 sô næme, daz langiu wîle  
 in diuhte ein kurziu île.  
 Gawan vuor, dar der künece gebôt.  
 10 welt ir noch, swîg ich grôzer nôt.  
 nein, ich wilz iu vûrbaz sagen.  
 strâze unt ein pfert begunde tragen  
 Gawanen gein der porte  
 an des palases orte.  
 15 swer bûwes ie begunde,  
 baz denne ich sprechen kunde  
 von dises bûwes veste.  
 dâ lag ein burc, diu beste,  
 diu ie genant wart ertstift.  
 20 unmâzen wît was ir begrift.  
 Der bûrge lop sule wir hie lân,  
 wande ich iu vil ze sagen hân  
 von des kûneges swester, einer magt.  
 hie ist von bûwe vil gesagt.  
 25 die prûeve ich rehte, als ich sol.  
 was si schœne, daz stuont ir wol,  
 unt hete si dar zuo rehten muot,  
 daz was gein werdecheit ir guot,  
 Sô daz ir site unt ir sin  
 30 was gelîch der marcgrævîn,

»si siht mich g., \*T (ohne V)  
 m. grœzer (mîn grosse V) vr. \*T  
 sus sp. mîn hêr G. (der stolze man O der werde G. \*T [nur T] [L Z]). \*G (ohne I) (\*T)  
 in d. ein kurzewîle. \*T (ohne V) (I O)  
 v. dar, als (da I) der \*G (nur G)  
 iu om. \*T (ohne V)  
 st. undeein(om. \*T[ohne V]/L)pf. begunden(pfât begvndeL)tr.(intragen V) \*G(ohne I)(\*T)  
 w. ein stift. \*T (ohne V)  
 unmâze wît wart ir b. \*T (ohne V)  
 wir nû (om. Z) lân, \*G (ohne OL)  
 daz was ir gegen werdecheite g., \*T

\*D: D \*m: m \*G: G I O L Z \*T: T (ohne 403.10) U V

1 Initiale D I O L 5 Initiale T U V · Majuskel D 11 Majuskel T 15 Initiale I · Majuskel T 21 Initiale m · Majuskel D 29 Initiale D

1 Ich] ÷ch nachträglich korrigiert zu: Ich D 2 mich] mîn \*m 4 stolze] werde \*m 12 begunde] begunden (begungen m) \*m 27 si] om. \*m